

著 師 法 虛 太
序 程 佛 學 女 士 家 居

書 叢 小 學 佛

行 印 局 書 學 佛 海 上

居家士女學佛程序

太虛

比年以思想學說之混亂。及軍爭政變之頻。仍民生益以凋敝。人心陷於煩悶。覺世間之無怙。謀解脫之不遑。種種似宗教非宗教之旁門邪道。逐漸繁興。而夙具善根者。因之發心學佛。亦非少數。風氣一開。從習彌衆。然或盲從他人以附和。自無中心之所主。或好奇趨。時以標榜。惟任妄情之所馳。或徒託佛以逃世。或更藉佛以沽譽。斯由學無程序。憑虛邁往。故雖值至平極正之佛法。致仍流入歧途。難獲良效。竊謂佛法之利益人世者。卽在五戒十善。斯本與儒者人倫之常德相準。而亦與諸教諸學之明哲賢聖。

所期者不違。第佛之戒善。流出於最上清淨之大圓覺海。故卽由戒善可上階出世解脫。遙達無上菩提。使近爲人中之賢哲。遠引佛果之聖德也。語云。「白刃易蹈。中庸難能。」今之學佛者。每不能篤於信解戒善。而好驕浮夸。殆亦由乎是。夫居家士女學佛。與出家僧衆異。出家僧衆乃少數人之住持佛教。專務內修外宏者也。而居家士女學佛。則期以普及乎全人類。風俗因以淳良。社會由之清寧者也。由遵行人倫道德。養成人格。而漸修十善菩薩行者也。故茲不辭庸拙。請一言居家士女學佛之程序焉。

(一) 有普通學識之人。或因人勸導。或因事感懷。將發生

修學佛法信從佛教之心時須先漸次請取佛學門徑諸書籍若
佛學書局之釋迦牟尼佛略傳三國佛教略史鐘聲到光明之路
竹窗隨筆分類略編學佛篇論佛書稿覺花園主集百喻經淺說
佛學寓言佛法萬能中之科學化佛學 A B C 佛學小叢書自由
史觀人生觀的科學大乘與人間兩般文化佛學淺說佛教初學
課本注解佛教人乘正法論佛法要論佛乘宗要論佛學概論佛
學講演集唯識三字經釋論八識規矩貫珠解唯識簡易唯識方
便譚百法明門論文學觀佛法與科學唯識的科學方法諸佛菩
薩本願集唯識三十論紀聞西藏佛教略記太虛法師文鈔阿彌

陀經白話解釋。龍舒淨土文。淨土三要述義。蓮宗正傳。楞嚴經白話講要。大藏法要類編。經濟學與佛學。及海潮音文庫。海潮音月刊。世界佛教居士林林刊等。涉略研讀數月可以卒業。由是認識佛教大概之真相。三世因果。五趣升沉。生死之輪迴。涅槃之解脫。既經完全肯定。則信心自然生起。如是信心。乃由勝解樂欲而發。是真信而非迷信。庶免盲從偏蔽之弊。

(二) 既由瞭知佛法大概真相。生起信崇之念。則當進一步以求堅定此信心。從一大德沙門。乞受皈依。佛法僧寶之三皈。此受三皈。即爲將內心信崇佛法僧之真意。公布於世出世間聖。

凡大眾之隆重儀式。經此公布儀式之後。世出世間聖凡大眾。即公認爲信佛徒衆中之一分子。而已身已爲從佛法中所化生之一佛教徒的新人格。亦因之確定。經此公布皈佛法僧之一階級。最關要者。在捨邪歸正。云何歸正。既從此唯以佛爲師。以佛法爲學。以修佛法之僧爲友。換言之。即從三寶中新生得一新身命。如赤子之完全歸投於三寶慈懷中也。故云皈命三寶。云何捨邪外之。則永捨世間種種非清淨。非解脫。非正覺之邪教邪說邪師邪友。及所起邪行。故受皈後。應持純正之佛教徒態度。處處高標佛教特勝之點。而不與異道及流俗苟同。信心乃能純潔。內之則漸

捨世俗之慳貪等心能去奢節慾而以所餘修植福由福田有三。一曰恩田對於若父母等有恩者不捨財方以爲報酬二曰敬田對於崇佛宏法供僧以尊奉有德之事不捨財力以爲布施三曰悲田對於世人乃至畜生等遇其種種艱難困苦之事不捨財力以爲濟度故受皈後應卽成爲一樂善好施之人。

(三)由受皈行施之信善純熟審已之所能行持者進從大德沙門乞受持五戒五戒者人道之綱紀心德之根本也然受五戒不必一時皆受蓋在家士女處於習俗之中復關職業之別或受持一戒若不殺生若不偷盜若不邪淫若不妄語若不飲酒

吸鴉片等均可。一戒既可完全受持。進受二戒。若不殺生。不偷盜。
若不偷盜。不邪淫。若不邪淫。不妄語。若不妄語。不煙酒。若不煙酒。
不殺生等。均可能持。二戒清淨。進受三戒。能持三戒清淨。進受四
戒。能持四戒清淨。乃進而完全受持五戒。此之受持戒條。貴在實
行。非可以務名之心出之。妄云吾能受持幾戒。或全持五戒。而實
際上。或故犯。覆藏。或誤犯而不懺。以受而不持。譬之知法犯法。罪
加一等。又不受而行殺等。不過惡行。受而毀戒。又加一毀佛戒法
之罪。及欺罔佛聖。誑取名聞之罪也。故受戒之前。大須審慎。受戒
之後。時切檢點。每日當立一所受戒條之持犯格。而審查之一日。

能持淨無犯。則可紀功。如稍有所犯。則當發露。勤求懺悔。久之。純潔無疵。則心喜。身泰。卽有君子坦蕩蕩之樂。雖處人世。無異天堂。如已受此戒。而自審不能堅持者。則須重向一大德沙門。當衆公布。退除免招破壞佛戒之大愆也。此受五戒重在一止惡行善。四字所戒除之殺等。正爲止惡。在於行善。卽爲儒家「仁」「義」「禮」「信」「智」之五德。唯佛法尤重止惡。蓋能止惡而行善。則爲無惡之純善。雖行善而不能謹於止惡。則不成無漏清淨之善。其程度僅等於但受三皈者之隨喜行善而已。故止惡二字爲五戒較三皈進一步之特徵。居家士女之學佛者。不可不知。

也。誠能集合受持五戒之人，而成一家一鄉一邑一國之羣衆，則眷屬未有不和樂。鄰里未有不仁美。風俗未有不淳善。社會未有不安寧。由身修而家齊而國治而天下平。庶可徵之實行耳。竊願居家士女之學佛及提倡佛教者，能以此交相勉勵激勸而深注意焉。

(四)能受五戒，恆持清淨，則爲人中賢聖。更進一步，當短期學習佛所行之綱略，受持八關齋戒。關者，期限關約之意，亦關閉一切惡行之義。故受持八齋戒法，最短者，期以一日一夜，稍長則二日二夜，或七日七夜，乃至百日百夜。(此依成實論說)在行

者隨意期約。在乞受時。向大德沙門將願受齋戒若干期日夜。當衆陳告。由大德依法受與之後。則在期約之內。居於佛寺或淨室中。等於短期出家。全屏世間一切習染嗜好。恭對三寶。凝攝六根。晝夜精進無間。如佛盡形壽不殺不盜不淫（完全斷淫非但不邪淫也）。不妄語。不飲酒。不香花嚴飾（服壞色墁衣）。不臥高廣大床。不過往歌舞觀聽。並持不過午食之齋。（此之持齋謂不過午食。非但蔬食而已。）而行者亦於所約定之期限內。如是行持。自一日夜以至百日夜。關閉諸惡。止息遊戲。脫離俗染。節減食睡。近之則成爲新濯新浴之一高尙嚴潔的新人格。遠之則上通。

於如來清淨法界海流居常爲職業所纏而可短期靜修者猶爲特勝之方便也此短期精進之所行其功力每有勝過於持五戒數年者故此亦爲居士持戒之加行（居士應曰近事士近事女今從中國習慣之稱呼始仍名居士實則居士乃隱居不仕之士或素封端居之士非必學佛者之稱也）雖未受五戒或未受三皈者亦可行之然以已能受持五戒者用爲短期加行行之爲更有功效也

（五）能長守五戒或短持八關齋戒矣若更求增進則當淨意地之煩惱毒而進持心戒此卽崇行十善身不殺盜淫口不

妄言惡口。兩舌。綺語。意不貪嗔癡是也。止身惡同於五戒。止口惡則別開出兩舌惡口綺語三條。益加嚴密。淨除意惡。則爲十善行。不共五戒之特勝點。然十善行乃衆聖之大本。萬德之宏綱。枝條無量。繁細難盡。二地菩薩方能持淨。至成佛時。乃能圓滿。凡僧不易精嚴。何況居家士女。故當就其中之尤重者。標舉爲相。俾可遵從。故當向菩薩沙門乞受瓔珞之十重戒而嚴持之可也。推而廣之。則由攝律儀而攝善法。而饒益有情可也。菩薩萬行胥在乎是。惟智者之超然自達而已。

(六)第一。第二。在養成信解。第三。第四。第五。在習行戒善。

夫學佛之道。以起信爲母。而持戒爲基。信具戒就。則本立而道生。乃可進修定慧。定慧若非有真信淨戒貫持。其中則定未有不爲雜魔之邪。定慧未有不爲縛染之狂慧也。外道旁門之流。唯以邪定陷人世。智辯聰之輩。每將狂慧惑世。是皆無上來信根慧根之故也。修習禪定。卽修止觀。聖教中向以不淨慈悲緣起。數息念佛。五種止觀爲方便。此中不淨慈悲緣起三觀。分別對治貪嗔癡三惑。修之匪易。數息兼治昏亂。爲修定之要門。念佛總伏雜染。乃離障之捷徑。今以華土之傳習。可更加禮佛稱名。誦經拜經參話。持呪之六種。前所云念佛實爲以觀念佛功德相而凝之法門。此於

念佛中。別開出禮佛稱名二門。禮佛卽嚴供經像。常課或定期勤行禮拜。禮拜時觀念佛等功德相好。三業恭敬。久之定心現前。亦爲修念佛三昧。稱名念佛。卽口稱佛菩薩等名號。而心維其勝德。出於無量壽佛經。及佛說阿彌陀經等之建立。所謂執持阿彌陀佛等名號。若一日乃至七日。而獲一心不亂之三昧者是也。約不淨慈悲緣起三觀之精意。而爲誦經參話頭二門。以誦經既能照悉心中煩惱分別。漸伏貪嗔癡等。而參話頭尤能使貪嗔不行。直搗愚癡也。誦經卽常誦般若心經。法華經等之一經。如因誦法華經而得定。卽爲法華三昧等。拜經同此。參話頭卽抱持父母未生。

前本來面目等一句話頭窮參力究等持。呢在通常之照音稱誦。殆與誦念經佛無異。其受真言密宗之傳授。依一定之儀軌。設特立之壇場。身手結印。心觀字種。同時口誦真言。三業玄密相應。行者因心與本尊之果德。同融於六大無礙之交加相持中。則更能總攝前來諸觀而速疾成就也。上之各種止觀。或按日爲定時。定數之常課。或約期爲閉關專修之加行。則在乎行者之自擇其宜耳。行至情死智生。皆能定慧俱獲。以先有信解與戒善爲基本故也。此時更當廣研聖教。經論多聞深思。熏開勝慧。庶善識位次。離魔邪。上慢似道法愛諸過。上上昇進於解脫之聖道中。不致滯誤。

若阿含寶積般若深密楞伽華嚴等經與俱舍成實中觀成唯識瑜伽師地等論皆勝義之結晶。前聖之鴻式也。古今諸德之疏註及拙著之起信論釋略別說。唯識釋維摩講義楞嚴研究楞伽義記法華講義大乘宗地引論等皆可參考資證助發玄悟。由此信解融貫定慧交修菩提之心於是開發。

(七)上來解行無懈可期果證。若於生死流轉中未能不怖。而又現身中未登三乘聖地。則今有一捨勢須於五趣中更受後有難免隔蘊之迷蹉跎擔誤。甚或惡緣所逼展轉沉淪。則不可不求他力之淨緣增上。上聖之大願攝持俾盡此身之報。卽往淨

土而生。此則依彌勒以求生兜率內院（可閱慈宗三要）依彌陀以求生西方極樂之法門尙也就今盛行之求生極樂以言。既具前來所修。信行已具。但加發一依恃阿彌陀佛之願力。專心一意。以臨命終時。仗佛接引。往生彼土而已。加習彌陀等經。確信必有彌陀等土之可往生。及專持彌陀佛名。則信願行尤爲一貫耳。

（八）若雖未能現登三乘聖地。而能堅發深固大菩提心。悲憫五趣有情。誓於生死流轉中廣爲濟拔。漸由十信進趣三賢等菩薩行位。於長劫中修菩薩一切難行之行。憑勝解力及大願力。不生恐怖。不畏艱難。則可依釋迦本師行菩薩道之本生所行。

爲師法。恆磨勵以修六度勤策。發而習四攝。譬如火中優鉢羅花。尤屬難中可貴。若怡山發願文所云近矣。

佛曆二九五三年丙寅元旦草於浙西彌勒閣中

民二十春
重訂定

書叢小學佛

序程佛學女士家居

如欲印送歡迎代辦

中華民國二十一年十月三版

每冊定價大洋三分

著述者太虛法師

出版者

印刷者

佛學書局

上 海 腊 州 路 七 號

電 話

三五

五二

四一

國光印書局

上海新大沽路成都路西首
滬西：麥特赫司股路

開北：新民路國慶路口

分銷處

各埠佛學書局

2
400323
1/1

3

